

BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
GRAD BIHAĆ  
GRADONAČELNIK

Broj: 04/1-23-5- /17  
Bihać, \_\_\_\_\_ . godine

Na osnovu člana 52. stav 1. tačka b) Statuta Grada Bihaća ( “Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća ( “Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

O d r e đ u j e

Izvjestioca Jasmin Stambolija, dipl. pol., na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o izmjenama Odluke o komunalnim taksama

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**

Služba za komunalne djelatnosti, vode,  
zaštitu okoliša i inspekcijske poslove

Broj:04/1-23-5- /17  
Bihać, 12.10.2017.godine

GRADSKO VIJEĆE BIHAĆ  
-ovdje-

PREDMET: Prijedlog Odluke o izmjenama Odluke o komunalnim taksama,  
dostavlja se

Na osnovu člana 52. stav (1) tačka a) Statuta Grada Bihaća (“Službeni glasnik Grada Bihaća”, broj: 13/15) Prijedlog Odluke o izmjenama Odluke o komunalnim taksama, dostavlja se

**O b r a z l o ž e n j e**

*Pravni osnov za donošenje:*

Pravni osnov za donošenje prijedloga Odluke o izmjenama Odluke o komunalnim taksama sadržan je u odredbama:

- člana 12. Zakona o lokalnoj samoupravi Unsko-sanskog kantona („Službeni glasnik USK-a” broj 8/11), kojim je propisano da općina, kao jedinica lokalne samouprave, u okviru vlastite nadležnosti donosi propise o porezima, naknadama, doprinosima i taksama iz nadležnosti jedinice lokalne samouprave.

- člana 35. tačka c) Statuta Grada Bihaća (“Službeni glasnik Grada Bihaća” broj 13/15), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

*Razlozi za donošenje:*

Izradi izmjena Odluke o komunalnim taksama pristupilo se, prvenstveno, radi dostavljene Presude Ustavnog suda Federacije Bosne i Hercegovine broj U-36/16 od 11.07.2017. godine kojom se: “utvrđuje da član 3. stav 1. tačka g) Aneks II- Tarifa komunalnih taksi, Dio G- Tarifa broj 7. Odluke o komunalnim taksama (“Službeni glasnik Grada Bihaća”, broj: 14/15) nije u saglasnosti sa Ustavom Federacije Bosne i Hercegovine”. Navedenu presudu Ustavni sud je donio nakon razmatranja podnesenog zahtjeva Premijera Federacije Bosne i Hercegovine za utvrđivanje ustavnosti gore navedene odluke.

Naime, navedeni član 3. stav 1. tačka g) Aneks II – Tarifa komunalnih taksi, Dio G- Tarifa broj 7. Odluke o komunalnim taksama ( “Službeni glasnik Grada Bihaća”, broj 14/15) propisuje da se komunalne takse plaćaju između ostalog i za korištenje uređaja za pružanje usluga mobilne telefonije: bazne stanice mobilne telefonije 10.000, KM/godišnje, Mikrobazne stanice mobilne telefonije 5.000 KM/godišnje, Predajnici (pasivni repetitori) 2.000 KM/godišnje i Antene i stubovi 2.000 KM/godišnje.

Odlukom o izmjenama i dopunama Odluke o komunalnim taksama (“Službeni glasnik Grada Bihaća”, broj 2/16) vršene su izmjene navedenog člana na način da je iza skraćenice KM dodata riječ “komad” Na taj način se je propisalo da se plaćanje komunalne takse za korištenje uređaja i opreme za pružanje usluga mobilne telefonije( bazne stanice mobilne telefonije, mikrobazne stanice mobilne telefonije, predajnici( pasivni repetitori, antene i stubovi) plaća na godišnjem nivou po komadu.

Gore navedena presuda Ustavnog suda Federacije Bosne i Hercegovine utvrđuje da je način obračuna komunalne takse kako je utvrđeno Odlukom o komunalnim taksama od strane grada Bihaća - neustavan, iz razloga što je osporenom Odlukom o komunalnim taksama Grada Bihaća propisano da se komunalna taksa plaća po komadu, odnosno montiranom broju uređaja i opreme za pružanje usluga mobilne telefonije iskazana u različitim iznosima, što prizlazi da je relevantan kriterij za spomenute iznose: vrsta, značaj i složenost telekomunikacijskih uređaja i opreme, a ne površina prostora izražena u m<sup>2</sup> i zone u kojima se koriste predmeti, prostori ili pružaju usluge, kako je to propisano članom 18. osporene Odluke. Da se u konkretnim slučajevima radi o privrednim društvima i to tri SMP operatera (BH Telecom, HT Eronet, Telecom Srpske) koji u skladu sa Zakonom o komunikacijama Bosne i Hercegovine ( “Službeni glasnik BiH”, broj 31/3) pružaju telekomunikacijske usluge putem mobilnih i fiksnih mreža, a koje su za svoj rad dobile odobrenje od Regulatorne agencije za komunikacije Bosne i Hercegovine.

Presudom se dalje obrazlaže da je Gradsko vijeće Bihać nadležno da u skladu sa odredbama Zakona o načelima lokalne samouprave u Federaciji Bosne i Hercegovine i Zakona o pripadnosti javnih prihoda u Federaciji Bosne i Hercegovine donese Odluku o komunalnim taksama kojim su regulisane naknade i takse na području Grada Bihaća i utvrdi vrsta takse, kao i kriterije za utvrđivanje visine takse ( površina prostora po m<sup>2</sup> i gradske zone). Međutim, kad je u pitanju primjena osporene odredbe Odluke koja se implementira

prema članu 18. Odluke, odnosno prema Aneksu II – Tarifa komunalne takse, Tarifni broj 7 propisani kriterij za utvrđivanje visine komunalne takse radi pružanja usluga telekomunikacija, a korištenjem opreme ( baznih stanica, stanica mobilne telefonije, mikrobaznih stanica mobilne telefonije, predajnika ( pasivni repetitor, antena i stupovi) nije primjenjen, nego je prema dopuni odgovora Gradskog vijeća Bihać na podneseni zahtjev za ocjenu ustavnosti i donošenje privremene mjere za član 3. stav 1. tačka g) Odluke kao relevantan kriterij utvrđena vrsta, značaj i složenost telekomunikacijskih uređaja i opreme kao dijelova telekomunikacijske mreže.

Također, Ustavni sud Federacije je stajališta da složenost opreme odnosno uređaja koji zauzimaju određeni prostor i pružaju usluge, ili finansijska sposobnost i ostvareni profit privrednog društva također ne može biti kriterij za određivanje različite visine komunalne takse iz razloga, što je to predmet oporezivanja sukladno sa postojećom finansijskom zakonskom regulativom. U konkretnom slučaju prema mišljenju Ustavnog suda Federacije kod određivanja visine komunalne takse postoji proizvoljnost koja se jedino pravda vrstom i složenošću telekomunikacijskih uređaja.

Pored gore navedenih izmjena koje su izvršene u skladu sa uputama iz presude ustavnog suda, a koje se odnose na korištenje uređaja i opreme za pružanje usluga mobilne telefonije, analogno se je ukazala potreba da se u Odluci, izmjeni tj. uskladi i DIO H-TARIFA br. 8 (korištenje elektroenergetskih objekata kojima se vrši prenos električne energije-trafostanica).

Radi gore navedenog, predlažem Gradskom vijeću Bihać usvajanje prijedloga Odluke o izmjenama Odluke o komunalnim taksama, kao u predloženom tekstu.

#### *Potrebna finansijska sredstva*

Za provođenje ove Odluke nije potrebno obezbjediti finansijska sredstva.

Obrađivači akta:

Fatima Pečenković, dipl. prav.

Silva Tomljenović Grgić, dipl. ing. građ.

Prilog:

1. Prijedlog Odluke o izmjenama Odluke o komunalnim taksama
2. Presuda Ustavnog suda Federacije BiH broj: U-36/16 od 11.07.2017. godine
3. Odluka o komunalnim taksama ( „Službeni glasnik Grada Bihaća“ broj:14/15, 2/16)

Gradonačelnik  
Šuhret Fazlić

Na osnovu člana 12. stav (3) tačka nj) Zakona o lokalnoj samoupravi USK („Službeni glasnik USK-a“, broj: 8/11) i člana 35.tačka i) Statuta Grada Bihaća („Službeni glasnik Grada Bihaća“, broj: 13/15), Gradsko vijeće Bihać na \_\_\_\_\_sjednici održanoj dana \_\_\_\_\_ godine, donosi

Odluku  
o izmjenama Odluke o komunalnim taksama

Član 1.

U članu 3. stav 1. tačka g) Aneks II –Tarifa komunalnih taksi DIO G-TARIFA broj 7. Odluke o komunalnim taksama( „Službeni glasnik Grada Bihaća“, broj: 14/15, 2/16) mijenja se i glasi.“

**ANEKS II –TARIFA KOMUNALNIH TAKSA**

*DIO G-TARIFA br. 7 (korištenje uređaja i opreme za pružanje usluga mobilne telefonije)*

Vrste uređaja/opreme	Nulta zona	I zona	II zona	III zona
Bazna stanica mobilne telefonije KM/ po komadu godišnje	10.500,00	10.000,00	9.500,00	9.000,00
Mikrobazne stanice mobilne telefonije KM/ po komadu godišnje	5.500,00	5.000,00	4.500,00	4.000,00
Predajnici (pasivni repetitori) KM/ po komadu godišnje	3.000,00	2.500,00	2.000,00	2.000,00
Antene i stubovi KM/ po komadu godišnje	3.000,00	2.500,00	2.000,00	1.500,00

*DIO H-TARIFA br. 8 (korištenje elektroenergetskih objekata kojima se vrši prenos električne energije-trafostanica)*

Vrste uređaja/objekata	Nulta zona	I zona	II zona	III zona
Trafostanica 220/110/35/10 kV KM/ po komadu godišnje	10.500,00	10.000,00	9.500,00	12.000,00
Trafostanica 110/35/10 kV KM/ po komadu godišnje	8.500,00	8.000,00	7.500,00	8.000,00
Trafostanica 35/10 (20) kV KM/ po komadu godišnje	2.500,00	2.000,00	1.500,00	1.000,00
Trafostanica 10(20)0,4 kV KM/ po komadu godišnje	650,00	600,00	550,00	500,00
Stubna trafostanica KM/ po komadu godišnje	350,00	300,00	250,00	200,00

Član 2.

Ova Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće

Broj: GV-\_\_\_\_\_

Bihać, \_\_\_\_\_ . godine

Predsjedavajući Gradskog vijeća

Davor Župa